

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU

Broj: 65 0 St 1149323 24 St
Sarajevo, 12.05.2025.godine

Općinski sud u Sarajevu, stečajni sudija Zlatan Bilić, rješavajući po prijedlogu za otvaranje stečajnog postupka nad stečajnim dužnikom "DENIJAL" Društvo za trgovinu, exort -import i usluge, d.o.o. Sarajevo, ulica Trg djece Sarajeva broj 1 (BBI Centar), Sarajevo, donio je dana 12.05.2025. godine, sljedeće :

R J E Š E N J E

1. Otvara se stečajni postupak nad pravnim licem "DENIJAL" Društvo za trgovinu, exort -import i usluge, d.o.o. Sarajevo, ulica Trg djece Sarajeva broj 1 (BBI Centar), Sarajevo, MBS broj 65-01-0365-11 (stari broj 1-13508), JIB: 4200139740002.
2. Za stečajnog upravnika imenuje se Demirović Zijo iz Sarajeva.
3. Vrijeme otvaranja stečajnog postupka utvrđuje se dana 12.05.2025. godine u 09,00 sati.
4. Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.
5. Pozivaju se povjerioci da u roku od 30 dana od dana objavljivanja Rješenja o otvaranju stečajnog postupka u "Službenim novinama Federacije Bosne i Hercegovine" prijave svoja potraživanja sudu, podneskom u dva primjerka, sa dokazima, u skladu sa članom 174. Zakona o stečaju Federacije Bosne i Hercegovine ("Službene novine Federacije Bosne i Hercegovine", br.: 53/21).
6. Uz prijavu povjerioci su dužni priložiti i potvrdu o uplaćenju sudskoj taksi, kako slijedi:

za prijave povjerilaca iznos od 1% od vrijednosti potraživanja s tim da ne može biti manja od 20,00 KM niti veća od 10.000,00KM.

Taksu uplatiti na račun broj 1411965320008475 kod BBI d.d. Sarajevo.

7. Pozivaju se povjerioci da u roku od 30 dana obavijeste stečajnog upravnika koja prava osiguranja potražuju na predmetima imovine stečajnog dužnika i na kojim predmetima se potražuje pravo osiguranja, vrsta i razlog nastanka prava osiguranja, kao i osigurano potraživanje.
8. Pozivaju se lica koja imaju obaveze prema stečajnom dužniku da ih bez odgađanja izvršavaju prema stečajnom dužniku.

9. Određuje se upis zabilježbe o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj MBS broj 65-01-0365-11 (stari broj 1-13508).
10. Rješenje o otvaranju stečajnog postupka istaknut će se na oglasnoj tabli Suda istog dana, 17.04.2025. godine, na web stranici – elektronskoj tabli Suda, na internet stranici FIA, a u "Službenim novinama F BiH" objavit će se samo izreka rješenja.
11. Zakazuje se ročište za ispitivanje prijave potraživanja

**PONEDJELJAK, 21.07.2025. godine u 10:00 sati
i isto će se održati u zgradi Općinskog suda u Sarajevu, soba broj: 226/II, drugi
sprat.**

Istog dana, nakon ispitnog ročišta, biće održana skupština povjeritelja, na kojoj će se, nakon izvještaja stečajnog upravnika odlučiti o daljem toku stečajnog postupka (izvještajno ročište).

O b r a z l o ž e n j e

Prijedlogom od 15.01.2024. godine, osnivač Jasminka Šehović, predložila je da se otvori stečajni postupak nad imovinom stečajnog dužnika "DENIJAL" Društvo za trgovinu, exort -import i usluge, d.o.o. Sarajevo, ulica Trg djece Sarajeva broj 1 (BBI Centar), Sarajevo.

Postupajući po prijedlogu sud je Rješenjem 12.02.2025. godine pokrenuo prethodni postupak radi utvrđivanja da li postoje uslovi za otvaranje stečajnog postupka, te imenovao privremenog stečajnog upravnika kome je između ostalog naloženo da utvrdi da li postoji razlog za otvaranje stečajnog postupka i da li imovina stečajnog dužnika može pokriti troškove stečajnog postupka.

Privremeni stečajni upravnik je postupio po nalogu suda i dostavio Izvještaj dana 21.03.2025. godine, te dokumentaciju koju je pribavio kao privremeni stečajni upravnik. Iz dostavljene dokumentacije utvrđeno je da stečajni dužnik u svom vlasništvu nema nekretnina, ni novčanih sredstava, ali da ima pokretne imovine (trgovačke robe i namještaj) u vrijednosti od 113.940,45 KM, a što je potvrđeno i procjenom ovlaštenog procjenitelja od 19.03.2025. godine. Privremeni stečajni upravnik je naveo da postoje uslovi i razlozi za otvaranje stečajnog postupka, uslijed prijeteće platežne nesposobnosti, te da će se troškovi stečajnog postupka moći pokriti iz uplaćenog predujma i vrijednosti imovine društva.

Na ročištu zakazanom radi odlučivanja o ispunjenosti uslova za otvaranje stečajnog postupka sud je proveo dokaze: čitanjem izvještaja privremenog stečajnog upravnika, mišljenje vještaka ekonomske struke/ovlaštenog procjenitelja, kao i ostale dokumentacije koja je priložena uz prijedloge za otvaranje stečajnog postupka, pa je našao da su ispunjeni uslovi iz člana 102. Zakona o stečaju F BiH, stoga je sud donio odluku kao u prvom stavu izreke ovog rješenja.

Odluku u stavovima od 2. do 11. izreke ovog rješenja sud je donio primjenom člana 104., 105., 106., 107. i 108. Zakona o stečaju Federacije Bosne i Hercegovine.

STEČAJNI SUDIJA
Zlatan Bilić

Pouka o pravnom lijeku: protiv ovog rješenja žalbu može izjaviti stečajni dužnik u roku od 8 dana od dana dostavljanja rješenja. Žalba se podnosi Kantonalnom sudu u Sarajevu, putem ovog suda, u tri primjerka.